

sibilitatem, sed secundum artis complementum: * quum sint decem & septem modi auri, octo scilicet ex admixtione argenti cum auro. Et primus modus fit ex 16. partibus auri cum aliquibus partibus argenti, usque ad vigesimum quartum gradum auri pertingatur; cum uno argenti semper unum gradum auri augmentando. Et totidem sunt ex admixtione æris cum auro: ita ultimus modus fit ex viginti quatuor gradibus auri puri, sine admixtione alterius metalli & non potest natura ulterius procedere sicut experientia docet. Sed ars potest augmentare aurum in gradibus puritatis usque in infinitum; similiter argentum complere potest sine fraude. Sed præcedentibus majus est, quod licet anima rationalis cogi non potest, eò quod libertate gaudet arbitrij: tamen efficaciter disponi, & induci, & excitari potest, ut gratis velit suos mores mutare, & affectiones, & voluntates, secundum arbitrium alterius; & non solum singularis persona, sed totus exercitus, & civitas, & totus populus regionis. & huiusmodi experientiam docet Aristoteles in libr. secret. tam de regione, quam de exercitu. & persona singulari. Et in his ferè est finis naturæ & artis.

CAPUT VII.

De retardatione accidentium senectutis, & de prolongatione vitæ humanæ.

Sed ultimus gradus in quem potest artis complementum, cum omni naturæ potestate, est prolongatio vitæ humanæ in magnum tempus. Quod autem hoc sit possibile, multa experimenta docuerunt. Nam Plinius recitat, Polionem strenuum corpore & animo ultra ætatem hominis consuetam durasse in suâ probitate, quem quum Octavius Augustus interrogaret quid faceret ut diu sic viveret: respondit in ænigmate quod oleum posuit exterius, & mullum interius. (Mullum autem habet octo partes aquæ & novem mellis secundum auctores) Et postea similia multa contigerunt. Nam rusticus effodiens in campis cum aratro, invenit vas aureum cum liquore & existimans rorem cœli, lavit faciem & bibit: & spiritu, & corpore & bonitate sapientiæ renovatus, de bubulco factus est bajulus regis Sicilia; quod accidit tempore regis Wilhelmi. Et probatum est re-

Lib. 22.
cap. 24.

Vitæ prolongatio